

江華縣志卷十一

藝文

七古 記

五律 頌

七律 傳

五絕 文

七絕 五古

傳曰言之無文行而不遠然必其文實有關於世道人心之大與夫山川風物之美然後可以行遠而傳世邑藝文向列為上下二卷今各以類從附錄於諸門之下其有無類可歸及近今弔古言情之作總如千篇都為一卷至於鴻篇鉅製無關志乘者則各有其人之專集在茲不

備

江華縣志

卷之十一

藝文

一

記

文

記

縣令題名記

宋邑令

童碩孫

江華縣為馮乘郡按唐會要文明元年改雲溪神龍元年復舊為道州屬縣山聯九疑之秀習俗真淳水會澗溪之清名流輩出其境東距連三百餘里南距賀二百餘里地廣戶繁實古壯邑自五季劉馬爭據疆場馮乘之地半歸廣西馮乘之稅仍在江華賦歛偏重職此之由國朝又南析其地以立永明壤地愈褊間罹兵寇田

多荒蕪雖得前賢尹涖賦之半民猶病之同也古語
若道傍苦李屢經代庖違恤傷錦碩孫被命此來十六
載正官之乏時異事殊重以水旱盜賊之荐臻繭絲保
障之需急凡有所爲惟吾力是視秩滿乞替當道改僻
僻邑行將有期思欲志其歲月訪之廳壁則湮廢久矣
噫有民社者重任也紀姓氏者觀政也夫豈容缺迺采
訪咨詢得於邑之李永壺家蒐集前朝可見者六人本
朝自祥符以下六十人或職位通顯或德業昭著班班
可考命刻豐石俾永其傳若夫黃奉議之申減役錢用

江華縣志

卷十一

藝文

二

寺正之奏減二稅民到於今安其賜甘棠遺愛有口皆
碑碩孫厚膚政拙愧弗克踵二公之德以惠斯邑後之
來者能大其見心其心則所居無赫赫之稱所去見
則循良傳其人矣廳壁記云乎哉

縉紳題名記

元道州路
總管知事 李 瑞

詩歌緇衣史讚緹掖記曰題名皆以感發人之良心
知善可爲勸豈曰小補之哉春陵四邑其一江華從古
曰是邦有陽華沱江之秀地靈人傑多萃和順英華之
士生長是邦者或以文章經世或以忠勇立功或

崇高或德業遠大俱名實相副表表而書今幸邑令雷
侯治化有方愛民重士賦均訟簡公暇詣路學與教授
戴履初觀前代進士題名碑軫念本邑有此缺典遂與
邑士蔣儀正李天肯等博採縣治圖志與夫喬木故家
所存恩誥系譜文獻可徵者咸以題名立碑表之學校
以爲懲勸得前朝進士十二人特科二十八人仕於朝
者彬彬其人於是涓吉立碑有鄧奉議之子加祺獻田
以助膳學之未給捐金以供修學之未完乃以田畝鈔
錠之數爲文識刻之碑陰祖考其榮子孫其昌仁善其
勸於以見賢令尊德勸善崇教之美意亦以見邑士秉
彝好古之良心也而重名踐實光前裕後後之視今猶
今之視昔流芳於數千載而不朽實自今始

江華縣志

卷之十一

藝文

三

記

職官題名記

明邑令 陶鑾

江華縣在漢爲馮乘在唐爲雲溪尋改今名歷宋元不
改至我朝天順初始遷今治而職官員數視前代益裁
省惟存知縣典史以地僻且簡也舊止四里近雖加編
二里然民不加多地不加辟二里之地卽前四里中逃
絕所遺二里之民則兩廣買田寄籍者爾縣民習尙純

樵士聞禮義可與爲善但邑連兩廣切近諸徭尚方今
之時客乘主裔猶夏加以水旱徵歛之苦民瘼莫聞識
者憂之嘉靖甲子夏四月鑿叨役茲土見縣治蕭然民
無至者怪而詰之皆以往年因與客民事激稱兵以故
民皆懷罪八年來足跡不敢至城市積賦未完凡有徵
取必就之閒有詞訟勾攝甯費賄求免不出官民情睽
隔奸僞滋蠹久矣鑿嘆曰是誠在鑿若避難遠怨以流
毒於下豈今日爲地任人意古人何人哉乃爲陳之當
路寬罪愆之條立點會之期約以不擾諭以禮信抑強

江華縣志

卷之十一

藝文

四

記

道弱善善除惡有仍前脅害者罪之不及者化誨之由
是百姓以次來見逃移漸歸督責不煩而遠賦以完公
事就理日與二三父老及朔望詣學進膏矜士詢民所
疾苦講求興革事宜學校邊防賊役獄訟之類以次調
劑舉行惟盡吾心力有可與吾民寬豁者申達之至力
有不能及民有未安者不無歉然也又明年秋九月欽
承簡命將有荊州之行不得與吾民從事上下之情兩
違依依然不忍別去乃因縣官題名自宋童公碩孫後
無有記之者爰命工採石蒐緝舊紀得國朝縣令可知

者若干人典史可知者若干人并其姓氏地里履任年月刻而記之以備闕事仍虛其右以俟後之君子是豈欲後詞以要後名惟以合者承君之命以惠養斯民者也典史則贊令出入以致之民者也若姓名湮泯不傳則淑慝罔辨勸懲莫稽矣况前賢流風善政彰彰不可誣哉方今朝野清明賢哲輩出天矜吾民必有爲之造福者踵跡至焉如鑿無足道也

頌

治平頌

石刻在二門外

明邑令

蔡光

藝文

頌

江華縣志

卷之十一

五

湖廣永州府道州江華縣爲羣豪霸產等事蒙本府帖仰本縣問究事體定妥縣門立一堅厚石碑記事顛末以杜後日爭端此後倘有啓釁告擾定行如法究治遵此已經處置定妥但措詞煩多難以盡刻謹約其大旨作頌刻石以傳永久頌曰皇明開國八方清明維茲負固爰勤徂征以此民稀不能躬畊乃招佃戶實梧州人佃種歲久生息漸煩指大如臂遂起奪心有潘丙生嘉靖壬辰奏求出戶更招外兵客館謀主戕我良民有司姑息招撫希甯撥我民田千九百畝以畀佃徒開興賢

里個人得志呼朋引類源源而來俱集我地又買民田
安樂開立隆慶戊辰放恣愈極吳才買海實爲酋傑倡
議出戶陞科爲稅奏請丈量民田無裔丈出屯田畝數
八百各徒覬覦奏軍欲得上司違猷撥田靖國海才無
厭又造偽冊混投請印發縣查給縣牒必司維耶與必
召集父老詳審精密查縣民田祖傳世業子孫相承差
稅不缺乃拘佃徒諭之以義其有不悛繩之以法各徒
允服俱吐實情自認前罪誓不混爭如有爭者充徒外
境卷案孔昭是非各正四十年爭一朝底定刻石紀事
有慶

江華縣志

卷之十一

藝文

六

頌

傳

馮國寶傳

明邑
貢生 唐 晨

馮國寶者廣東陽山人也身長六尺力千劬應募充千
長守高寨營隆慶五年廣賊陳龍洲寇嶺東眾五千餘
人驟至人皆謂賊眾我寡宜避其鋒國寶奮然曰縣主
待我輩禮至隆正以備緩急之用今見賊不殺何而見

人遂揮雙刀入賊陣梁廷琛等七十餘人繼之鏖戰自辰至酉凡殺十人手斬龍洲弟龍田取其首擲出復入陣飛鎗刺龍洲至墜馬將前獲之夥賊從旁以大旗蒙其首因叢刺之寶與梁廷琛等十二人皆死然賊亦多傷官兵乘之賊大敗走各寨解圍事定縣官收養其子請月給米三斗至二十歲止知州羅斗製文遣官以一羊一豕致祭鄉人咸廟祀之嗟夫國寶千夫長也食人之食而死其事豈非忠義之士耶彼爲臣而不忠所事者視此不亦汗顏乎

江華縣志

卷之十一

藝文

七

趙烈女傳

明侍御
邑人 黃廷聘

烈女姓趙名尙貞父志倫母蔣氏世居邑之太平鄉以農爲業尙貞自幼聰慧嘗績苧燈下聞弟文珊讀孝經默識之且能通曉書意爲弟解說一日見壁間貼官給諭民歌及推廣聖諭解說就誦之至婦職婦德二條聳然曰爲女子當如此年十八足不出閨門歲壬申春父母許配里人胡文英次子致鶴于歸有期矣先是弟被富川苗掠去未歸苗帥詢知其姊已長欲掠妻其子遂於九月二十三日集黨數十人突至志倫家擄女去驅

牛使乘女罵賊臥地不起賊割其髮以恐之女罵愈厲賊以索繫其頸拽之女伺便抽刀刺賊創甚羣盜大怒爭前砍之斷其手足而去嗚呼天地正氣不開於寒微故十室必有忠信尚貞以農家女乃能知義不辱而罵賊以死又能拔刃以刺寇仇豈非毅然烈丈夫之行哉

文

祭趙烈女文

明永州知府 王 俸

天地正氣鍾哲爲神巍巍廟貌烈烈英魂彼好生惡死人之常情當彝會之肆惡逞豺狼以陵人逆之者必死

江華縣志 卷之十一

藝文

八

文

順之者可生何爾女子乃能舍其至好而犯其所惡以捐身實閑習於禮教之有素乃流芳於青史之垂名不然遐陬村落之下孰爲之觀法而能云益見皇風之丕變故茲剛德以獨伸嗚呼以閨闈之弱質有烈丈夫之偉行使持戟之士皆若此亦何有於邊塵迹爾之槩祭爾之靈誠足以媿怯懦者之面而寒黠鷲者之心爲爾悼且爲爾欽致爾祭以慰爾心江華烈女千古崢嶸

祭竹米文

國朝邑令 陳紹選

思文后稷粒我蒸民民爲邦本本固邦寧胡天疾威降

喪類仍旱蝗慘烈枵腹輸軍紛紜雜派奚但三征嗟嗟
殘赤苟延迄今云何岡阜竹箭如燠離離穉穉交加縱
橫薄言采之方苞層層展剝殆盡有實斯存匪黍匪稷
匪珠匪珍形如薶麥盈掬盈升或烹或釀于豆于登薦
厥祖考有飶其馨饁彼南畝孔惠且寧一歌十唱千耦
芸芸手持筐筥背襁呱嬰半身百結匍匐如奔我聞在
昔循良感神兩岐麥穗民歌不泯哀我小邑下泉苞蔌
天賜竹米爰普江墳載考竹實鳴鳳所吞子大於卵神
山偶生味清心膈益氣通神此殊異品將焉取真何居

江華縣志

卷之十一

藝文

九

文

千仞繼三鳳鳴喜憂交集太息撫膺問誰司牧忍視顛
傾竹救拙吏抑先救民送我民命暑雨耕耘不聞竹米
獲可恆殮胡春徂夏夜時其已帝曰嗚呼何辜今人恐
懼修省如霆昊天上帝寧言寧言不與則災炎赤帝顆粒
靡新實繫人事或曰天行寤而寤始齊饑游臻矧乃萬
姓咨怨蒸騰顛若盥馬齋宿克禋嚴恭寅畏直哉惟清
贊勤調燮永賴修徵三風五雨如坻如京天子萬壽祝
獻稱觥記茲竹米載膽載欣伏惟帝鑒油然作雲南箕
維香尚冀西成拜手稽首靈雨其零

詩

五古

贈無名長老

唐永州刺史 柳宗元

老僧道機熟默語心皆寂去歲別春陵沿流此投宿室
空無信者冠履惟掛壁一飯不願餘跣趺便終夕風窸
疎竹響露井寒松滴遇地即安居滿庭芳草積

懷陳士漳鄧伯元

宋邑進士 李長庚

陽華近十里不到十餘年乃知聲名鎖能障山水緣今
日與鄰曲勝遊追敘川庾藤穿犖确一葉弄潺湲巖扃
江華縣志 卷之十一
藝文 十 五古
隱翠門梵宇淨青蓮一笑躡飛虹毛骨清欲仙婆娑寶
纓珞放浪玉壺天曲肱臥盤石滌耳聽流泉片雲飛雨
來更覺秋凜然酒盡合歸去千秋昏暝煙

弔費節婦

錢塘沈 紀

忠臣無二心烈女無二天若人古所重芳名垂傳編錦
哉蔣氏婦失偶方青年縈縈教孤子心比金石堅子長
家日裕白髮俄然顛一朝謝塵世含笑歸黃泉音容不
可觀高節終能全視彼古賢誓嘆聲相後先因之慨薄
谷臨風淚潸然

弔趙烈女

明邑合 蔡光

洞府星宮遠乾坤正氣長層城華璐渺阿閣夜珠光嫋
動七龍舞靈驚五鳳將陌花城草紛纒帛彩裘霜芳躅
羞文琰剛腸愧漢嬌結悅姆儀肅施衿父訓彰聽經能
教弟服訓志共姜倏爾逢夷虜斷頸抱珪璋溫言不可
動鋒刃安足惶拔刀能雪怒一刺豔曾傷羣虎菹其肉
碎骨亦何妨不爲苗地鬼寧死暴家郎有魂吟夜月無
淚洒瀟湘抱恨山河冷遺愁天地荒乘鸞歸素里跨鶴
入雲鄉天上風霜操人間鐵石腸諸君馳挽誅老吏賦
江華縣志

卷之十一

藝文

十一

五古

交黃青山埋怨骨太史傳遺芳高風千古著彝俗一時
攘卓矣稱正烈遐哉志不忘

新冬陪林梅翁邑尊遊陽華巖獅子巖薄暮微雨

國朝教諭官 李于齡
表作嘉卉

朝看陽華日天寒映室紅昔賢甘托此箕踞倚長風石
渠從下注小艇應爲通步出反眺望萬仞安可窮暮探
獅子穴摩頂戲其駿窿敞繇窰道迤邐之於東威伏良
何異乃訝厥狀同幽徑更可尋問津一時情遊蹤遍今
古山各有遭逢品題隨眼慧驅除洗耳聰罇移石似流

色與人在中欲得揀日手滿張返景弓

平盜行

國朝 邑令 楊召春

昔元次山刺道州作春陵行其時盜賊未息念民疾苦言之以達下情今余令江華粵西富川六寨羣為盜賊盤山伏莽出沒不常殺奪無休撫茲遺子其何以堪因作平盜行以紀余捍禦之苦衷也

艱難撫下邑偏僻在窮荒孤城攢萬嶺蒿萊增悲涼屢經喪亂後居民半逃亡田廬嗟蕪沒榛莽渺茫西界

江華縣志

卷之十一

藝文

三

五古

富川境逼近六寨疆峻山迴深谷數百里險長狡哉彼羣盜出沒苦無常須臾嘯聚來殺奪及牛羊子女遭倖掠四境罹災殃寥寥子遺民族少無大鄉鄰舍八九家煙火遙相望單弱實貧疲何以禦暴強城垣低更薄日夜嚴提防去冬余甫莅一夕數驚惶挺身衛殘黎終夜履寒霜所恨官軍少却顧向徬徨握符申號令單騎歷戎行一鼓策義勇民氣稍稍揚烈山焚灌莽賊黨聞風颺可憐此殘黎終歲鮮安康勸農二月中盜賊復猖狂掠牛幾十頭村單孰抵當牛去耕亦廢荒蕪憫田糧民

命尙不保矣復問輸將小民爭傳報匍匐赴公堂禍巖
起倉卒事急心愈忙一身先義勇策馬陟危岡寇見追
馳至莽衝踰山梁嗽噦隱險絕林箐咸匿藏驅眾奪牛
歸天色已曠蒼兵民予以賞捐金笑解囊給牛還舊主
各各務農桑父老前致詞感激訴衷腸向者遭流移暫
求避火湯我侯莅半載遠邇慕慈良賊鋒驟却退不敢
逞梟張中途有行旅水亦通舟航民各歸故土編葺我
茆房盡力向南畝耕鑿喜無妨疾苦余願知聽言心慘
傷旣膺民社責敢不飭紀綱軫念此窮民何日起瘡瘡

江華縣志 卷之十一

藝文

三

五古

嗟彼六寨盜搏噬甚豺狼大害不驅除空慚令一方

弔孔烈女

國朝永明諸生 蔣秉銓

丈夫愛名義忠孝是其事胡乃庸碌人反多巾幗氣緬
彼孔氏女甯弗抱深愧觀彼遇賊時倉卒無趨避身爲
賊所俘悲號高罵詈觸怒亂揮刀須臾命卽墜偷生豈
有榮之死洵無議吁嗟閨閣中偏能邁等輩所繫在綱
常人類賴扶植天地大父母正氣不滅棄彼雖一女子
聲施及後世

題浪石寺蔣大士塔

邑貢 陳炯

大孝稱有虞心香惟大士經訣傳聖師勤行得奧旨
巖石蓮臺跌化空山裏保身於生前變身於既死剖腹
來粵蠻羣凶遭洪水針膚遇狂夫罷官誤片紙赫赫金
剛身七百年來是人謂古真佛吾謂古孝子

七古

贈迴溪翁

唐道州元結
刺史

長松萬株遶茅舍怪石寒泉近簷下老翁八十猶能行
將領兒孫行穡稼吾羨老翁居處幽吾愛老翁無所求
時俗是非何足道得似老翁吾即休

江華縣志 卷之十一

藝文

古

七古詩

其二

長松亭亭滿四山山閒浮竇流清泉迴溪正在此山裏
乳水松膏常灌田乳水田肥宜稻梁禾苗如油米粒長
米色如珈酒如玉酒熟猶聞松節香溪邊老翁年幾許
長男頭白嫁孫女問言只食松田米無樂無憂共人語
浯溪石下多泉源盛暑大寒冬大暑我今欲作迴溪翁
誰能任我舍西東勿憚山深與地僻羅浮尙有葛仙翁

照府志節
去二句

弔費節婦

三衢 葉武

古今節婦誰堪數費氏名揚在荆楚早年勤孝養姑嫜
豈料夫天遽失所躬織惟在育襁褓饗殮乏力孰能撫
何時長嗣又云亡呼籲蒼穹聲甚苦鐵石心堅不可裂
守孀百年若白雪共姜守義千古譚聖朝正潔誰與列
正喜桂蘭皆彬彬高堂康強望豪傑胡天一夕不憖遺
滿朝冠蓋詠貞節

六寨行

有引

國朝永明邑
合攝篆江華

周

鶴

六寨世爲楚患雖賦性多暴亦由粵吏知而庇
焉以茲風愈熾感事傷之爲賦此

江華縣志

卷之十一

藝文

五

七古

人性俱善珍仁廉苗蠻兇戾貪無厭安居飽煖不自愛
狗利未止窮毫纖夜羣晝伏走谿谷顛越財貨逢人殲
彼當被戮不足惜事聞走匿避且潛官斯土者闕其利
曲諱故狗全無嫌以茲放逸恣作賊不可嚮邇民胥漸
或云風土本來劣山形譎詭如矛尖不然胡爲徧國俗
母亦性惡習與兼顧使稍知禮義教何至撲火同蛾燬
方今大化徧翔洽上躋熙皞追黃炎奚獨一方爲匪類
鄰近畏此逾蛇虺主持母乃長吏責移風戢暴安閭閻
斯意今恐不可必未敢唐突侵無鹽

弔孔烈女

永明諸生 蔣琛

馮乘水清山蠱蠱篤生閨秀在孔族幼嫻姆訓常惶惶
願學大家光簡牘及并未卜結縭期一朝攫難甘碎玉
臨危慘藉生口傳果然剛毅人欽服賊退有同繫婦女
逃歸備述孔氏臨
難情 延頸受刃何足奇舍生取義始堪錄如金如石烈
女心罵賊而亡身無辱吁嗟一死繫綱常孔氏已從心
所欲扶植名義在天壤千載令人傳芳躅

讀明黃侍御趙烈女碑有感 國朝邑貢生 陳炯

孔言殺身以存仁孟謂舍身而取義宜是吾輩究學人

江華縣志 卷之十一

藝文 共 七古

頗識立身貴節義不意村農一女流生知誓死無二志
磅礴正氣湘岳鍾自合孔孟風骨異大帽山前有古墳
蒙難堅貞得正位謁來英風凜凜逼斫賊反刃玉質碎
碧血流香石泉清道途之人無不淚我今摩讀先生文
洗刷苔封始末備二百餘年無損缺分明山靈朝暮庇
吁嗟兮張牙頰舌古今難求之巾幗更不易若作鬚眉
佐天朝定建奇勳威遠暨

五律

弔趙烈女

國朝邑諸生 王執中

禦侮無男子捐軀有女人以生能罵賊之死是全身血
化萋弘碧墳當孝女鄰報胡如此重趙受羞殺二心臣
胡聘

暖谷春容

蔣琛

雨餘春氣淑覽勝澗邊行江月曉仍照林煙暖更生山
中千樹媚谷口眾芳晴一段氤氳意稀微暗柳鶯

寒亭秋色

蔣琛

循橋攜友度江氣到寒亭風急摧松綠雲陰入洞青山
空秋在葉沙迴客歸船一路貪幽賞吟情更窈冥

陽華勝覽

蔣琛

江華縣志 卷之十一

藝文

七

五律

山高疑插漢登眺發高吟風日常清美春冬如昨今仙
田生異草石磬度元音快讀元郎句琳瑯悅我心

浪石清流

蔣琛

青峯遠獻翠流亦有清聲倚檻看雲落望澗知浪輕夜
臨心一水寒助月三更深坐不能去機鋒擊竹生

梧嶺南屏

蔣琛

聯絡重岡遠晨光點翠微密雲遲日出灌木易霜稀百
粵千蟠遶三湘萬仞威南關稱巨鎮賴此足長饒

秦巖深處

蔣琛

秦巖奇賞滿，恰趁半閒來。舞燕如輕蝶，烘桃可醉梅。峯高先月到，洞敞報雲開。清絕湖南地，登臨始暢哉。

迴溪壽域

三十一

蔣琛

欣然懷古逸，步入迴溪閒。尋勝得孤境，絕塵如一山。天

分鷗鷺碧，村受水雲環。爾臭今如在，吾思老此灣。

奇獸虛明

蔣琛

豈必絕人境，翛然出世塵。崖生龍象眼，石學狻猊身。虛實從風過，光明入洞新。靜中堪累日，莫更待芳辰。

七律

江華縣志 卷之十一

藝文

六

七律

清明約鄧致道遊陽華

朱邑進士

李長庚

我來挈挈倦塵沙，下馬無心更憶家。不願客中逢冷熱，祇知醉裏是生涯。花開頓覺春光老，柳外還驚月影斜。甚欲與君尋照去，何妨著脚到陽華。

題劉護孫祠

明邑舉人

黃應元

擬窺虎穴上崔嵬，草木風聲亦壯哉。精禱默膺真武佑，神兵活取夜叉來。壽流三郡天心厭，威懾諸蠻賊膽摧。上帝鑒觀台府意，特教先翦此渠魁。

弔費節婦

明三元

商輅

節概稜稜孰與俱始終不渝撫遺孤良人淪沒雖堪恨
亂嗣崢嶸亦足娛壽考度橫元鹿脯仙遊夢應玉魚符
名稱朝野驚庸俗太史將編勵薄夫

弔費節婦

明邑令 胡 璉

藁砧先逝不勝戚截髮全名孰不奇夜半熊丸勤教子
春深蠶繭自纒絲門閭正好嚴閨範宗族忽驚失母儀
可是高風傳萬古且昭潛德咏新詩

弔費節婦

燕山岳 正

四十年來泣未忘不將顏色事紅妝正心誓許堅如石

江華縣志

卷之十一

藝文

九

七律

華髮從教白似霜夜績半牕隣壁火春蠶幾樹故園桑
高風景仰知何似不盡湘江江水長

弔趙烈女

明太守 王 俸

天孫五夜隕江城羽檄俄傳烈女名罵賊斷頭求速死
拔刀刺虜豈輕生平鄉有淚和霜墜湘渚流魂帶月明
千古剛腸誰似汝揮毫不覺淚如傾

暖谷春容

蔡 光

城南有谷景深幽招客今來幾百秋臈至誤吹桑柘火
壯遊懶著鷓鴣裘石田野草生春早梅嶺花飛帶雪收

尺五湖天風日霽浮生今始識丹邱

寒亭秋色

蔡光

寒亭立向北山幽山蔭晴空五月秋傲吏愛涼來避暑
遊人倦日坐消憂晚荷覆水鷗眠寂排樹穿雲鵲噪稠
乘罷晚風明月上不知塵世有羅浮

暖谷春容

明教諭 滕元慶

碧巖深處景多幽淑氣融和滿谷浮種種奇花紅洞口
芊芊芳草綠山頭暗香風過翻晴蝶霽色雲迷喚雨鳩
無限春光收不盡也因官冷得閒遊

江華縣志 卷之十一

藝文

三

七律

寒亭秋色

滕元慶

洞口孤亭爽氣侵何妨盛暑此登臨寒泉飛瀑疑拖練
疎竹敲風似搗砧看到空林紅葉老穿殘曲徑白雲深
凭欄盼望前村暮歸路蕭條月掛岑

陽華勝覽

滕元慶

淡淡輕雲鎖翠崆華巖開處最玲瓏洄淵瀉出長流水
峭壁吹來不斷風松徑復涼月色冷石田春暖藥苗叢
更奇洞口當陽處滿地閑花別樣紅

浪石清流

滕元慶

梵宮岑寂碧煙籠
漾漾清溪檻外通
曇鉢花香風送遠
菩提樹色水侵濃
波寒透入禪關冷
湍急遙分佛火紅
濟世慈航何處泛
回頭彼岸是神功

栢嶺南屏

滕元慶

南關盡處聳重巒
絕頂登來眼界寬
屏障三湘雄萬仞
路通百粵遠千蟠
巉崖雨過煙光翠
峭壁風生樹色寒
莫道終南佳處好
遐方巨鎮古今看

秦巖深處

滕元慶

天開洞穴古名秦
疑是桃源此地真
幽僻可招超俗客
徘徊却憶避秦人
石田春住芝長茂
蘿徑煙封蕚漸秦
懸壁自今題太宰
相傳無處不知津

江華縣志

卷之十一

藝文

三

七律

迴溪壽域

滕元慶

山人靜裏卜幽棲
門徑無心送馬蹄
壽域一朝開勝跡
芳名千古照迴溪
甘泉潤酌來仙液
曲澗循環咽大谿
覽勝踟躕人不見
邱墟空對漫留題

奇獸虛明

滕元慶

闢開混沌見天真
石踞英英一獸神
風入松濤聲作吼
春生苔碧色偏新
箇中消息通元竅
物外煙霞隔世塵

絕勝蓬萊須咫尺武陵遮莫問迷津

暖谷春容

明邑令

彭弼薇

谷口鄭真何處家東風墜地鼓桑麻
樽待汲曾多少雲子投人亦汗斜
未羨玉樓同尹喜已堪頂曼散流霞
滄洲花木四時色磊塊寒門不注蛙

寒亭秋色

彭弼薇

飛落遠山雲片片到來敗葉風輕輕
露滴芙蓉香欲語圍唵蟋蟀秋無聲
底須插漢引長袖賸取殘詩寄友生
飲罷元公江上酒聽殘子晉月岡笙

江華縣志 卷之十一

藝文

三

七律

陽華勝覽

彭弼薇

放笑幾回破大荒來遊佳勝挾胡床
石花不著采蜂戲桂子能開玉兔芳
白露風高迴漢掌銀潢星渥過瓊漿
仙人渺溟空名姓弱水蓬萊何處航

浪石清流

彭弼薇

捉刀善手菩提心闊海空天叢一林竹
引雲嵐簾不捲江拋星斗夜無沈
猿銜山果爐煙渺僧老春陽榻影深
最是塵凡腥腐滿蜉蝣那得護清陰

秦巖深處

彭弼薇

一歌萋楚遁樵蘇何物能投五技躡無意咸陽灼焰烈
寧知漢詔減田租搗松不到雲鄉客步影從湮夸父塗
巢許翻嫌名姓薄秦人千古漫追呼

迴溪壽域

彭弼薇

幽芳習習散雲嶠皓叟臨溪曾掛瓢道是百年手潑雪
還知一水日流韶蒼芝鈍石靈根托九節蒲花玉露澆
徙倚迴環人在眼歲寒松柏不須雕

奇獸虛明

彭弼薇

倚徑橫岡卉草濛有懷銜鹿爲相從丹青神化知何處

江華縣志

卷之十一

藝文

三

七律

碧海琅玕卽此中寒暖或關萎蕤鎖風雷時震蒼精籠
松陰寂寞雲長護不道妙高是祝融

暖谷春容

明邑貢生

劉元科

誰道陽華下可家此中仙露引胡麻田多種玉巖鍾乳
鳥盡忘機獸觸邪石色疑從丹鼎煉嵐光直並赤城霞
聯鑣此日傳鄒律僊尹輜軒兩部蛙

寒亭秋色

劉元科

醉向林皋秋已凝雲成白石雪猶輕使君驛騎來天上
學士詞名擲地聲捉筆笑將炎態去支頤看盡岫雲生

何妨石閣清無暑一枕涼颼下筦笙

陽華勝概

劉元科

碧杉秋老幾炎荒古佛龍龕見石床泉自西池沁可薦
花經寒露晚猶芳青城有客曾投札白壁何人更汲漿
千古漫郎高興足追隨雲水一僊航

浪石清流

劉元科

石蓮開鑿總無心泉水清香此薤林佛頂青螺花片片
禪床白塵影沉沉苔封古塔煙垂冷秋鎖雲房徑已深
雙鳥移來清嘯後廬栖溪畔競留陰

江華縣志 卷之十一

藝文

七律

秦巖深處

劉元科

巖前秋霽草覃蘇百尺藤蘿健鼠鼯幾向石田求布種
却慚詩興迫催租行經魚浦休投米已到僊源莫問途
姍女黃芽空軼事歸猿洞裏聽猿呼

迴溪壽域

劉元科

不必三山望海嶠靈泉一滴瀉雲瓢松風到耳皆成韻
石磬臨流想奏韶調水有符名已浪投書無計酒頻澆
靈均去後閒消息贏得朱顏不改彫

奇獸虛明

劉元科

長林豐草日光濛臥走山精百獸從率舞想同韶箭至
吼聲常向碧雲中南山霧隱應同豹石竇泉香擬護龍
妙相白毫何處是石臺高座且相融

暖谷春容

國朝邑貢生 胡廷暄

小洞溫和別一家好因詩酒話桑麻融融詩氣如暘谷
冉冉春光恍若耶積露初收開錦繡夕陽欲下聚雲霞
催花羯鼓聲何處石隙鳴蟲草際蛙

寒亭秋色

胡廷暄

亭依崖畔冷煙凝引動秋風入座輕竹茂少來赤日影

江華縣志 卷之十一

藝文

三五

七律

松陰時送素秋聲乍臨爽氣迎人韻坐久寒光逼體生
寄語北窗高臥士此中枕石勝桃笙

浪石清流

胡廷暄

一派清流好印心當年飛錫結禪林白雲飄渺風光淡
石浪漣漪岸影沉會意何須濠濮遠忘機即是祇園深
名區幸得同遊賞消受青松滿院陰

暖谷春容

顛鼎勳

谷中長暖不知年灌木繆縈路窅然一碧寒泉籠晚霧
半林修竹靄晴煙穿雲但覺嵐光滿入洞頻驚石罅圓

更喜四時花競放不分朝暮看來妍

寒亭秋色

鄭鼎勳

陟勝誰開絕軌程到來敗葉滿孤亭纔躋縹緲欣舒歡
乍入空明可摘星因笑謝安徒著屐好招予看坐吹笙
松陰瀟灑酒雲常護鳥語猿聲兩兩清

陽華勝覽

鄭鼎勳

曾說陽華小洞天馮乘千古重名山天連絕頂青霄上
日耀空巖紫霧閒石燕頰頰雲上下神龍隱見水清寒
登臨不盡山中興盡日忘歸獨倚闌

江華縣志 卷之十一

藝文

美

七律

浪石清流

鄭鼎勳

肉身說法卻森然乘興來遊俗念滴一水溯洄漱碧
萬峯挺秀蔚蒼煙風生竹徑聲聲韻月照松林樹樹圓
禪意借屠傳契合不須金偈示立詮

梧嶺南屏

鄭鼎勳

睇極岩巖意似幢眉閒獨豎有奇峯層巒疊逼光凝斗
碎石平鋪翠點茸日射輕煙蒼淡淡風吹弱草綠濃濃
南方屏障天然固已敵長城數百重

秦巖深處

鄭鼎勳

一到秦巖與自幽瓊花琪樹目中留金闕撼動超凡境
地軸掣開別有邱春暖石田芝草茂秋深幽澗藥苗稠
太和布滿熙熙樂正好探奇恣意遊

迴溪壽域

鄭鼎勳

茂林修竹又環山昔有張翁隱此閒院靜惟聞天籟響
箐深常共嶺雲還泉流碧水迴迂徑階砌幽花長翠爛
一路寂寥悲蔓草黯然對此自閒閒

奇獸虛明

鄭鼎勳

不知蓬海幾飛塵取次荒巖屢問津靈異鑿開空渾敦

江華縣志

卷之十一

藝文

七

七律

枝撐垂結倒嶙峋山連粵嶠多仙竇石向南陬作偉人
洞裏蹲踞獅子象閑來剔蘚色彌新

江華八景總題

蔣琛

日上陽華海氣紅蒼梧嶺色映鴻濛秦巖幽澗泉聲韻
暖谷叢松樹影重客訪迴溪來靜境僧歸浪石趁晴空
八方洞澈虛明處又喜寒亭峙半峯

輓周愍節光庭遊戎

有序

邑貢 游雲錦 生

咸豐五年髮逆朱洪英攻永明遊戎督兵固守
糧盡援絕城陷死之

衝鋒破陣說周郎視死如歸秉性剛五載行軍空賊壘
一朝遂志臥沙場魂遊地府心精烈血染山河草木香
他日史臣編逸事允堪千古振綱常

五絕

暖谷春容

滕元慶

二五擅天巧涵虛蘊太真蓬人儘來往寓目總爲春

寒亭秋色

滕元慶

乾坤闢混沌洞口列亭幽獨秀雲山裏清風萬古秋

陽華勝覽

滕元慶

江華縣志

卷之十一

藝文

五

五絕

陽華雄楚服騁望一登臺衡嶽雲天迴洞庭門戶開

浪石清流

滕元慶

古剎塵難到清流晝夜通應知了悟者長座此禪中

梧嶺南屏

滕元慶

爲愛青山好開屏四野橫平分楚與粵兩地倚長城

秦巖深處

滕元慶

石洞杳何極桃花紆徑深今來適楚客不是避秦心

迴溪壽域

滕元慶

混沌甘泉水長流遶此溪曾聞飲泉者歲月幾人齊

奇獸虛明

滕元慶

獅子巖頭伏尋源認舊谿光明虛自照不為阮郎迷

陽華勝概

明邑諸生蔣堯相

為愛壺天景頻頻載酒遊酩酊歸騎晚月上小齋頭

七絕

鄧伯元陳士漳儼慶同遊陽華不與李長庚

說著幽巖意已清那堪地近一牛鳴座縈俗累不容到

君見山靈煩寄聲

其二

藝文

江華縣志

卷之十一

无

七絕

陽華山水自雙清况弄朱絃金石鳴我是行人那敢聽

恐翻別調作離聲

其三

雲水光中清更清從他山寺曉鐘鳴滿船載月空來好

一笛穿雲裂石聲

暖谷春容

明邑貢生舒鳳翼

東風醉馬尋香細洞口須招鄭子真同看上林花似錦

暖煙散作十分春

寒梅古致

秦巖十景之一

國朝邑貢生陳子簡

秦巖幽邃比桃源欲覓桃花香莫存
賸有老梅開滿樹飄零隨水出山門

千年積雪

秦巖十景之一

陳于簡

雪積千秋尙未消行來無地不瓊瑤
問渠底事長如此欲耐寒操破寂寥